

Tindayaren alde, Txillidaren aurrean

Tindaya mendiaren aldekoek Guggenheim-en aurrean salatuko dute artistaren asmoa


Patxi Gaztelumendi/Bilbo

Txillidak Tindaya mendia zulatu eta barnean espazio eskultoriko bat osatzeko egitasmoa du. Horren aurka agertu da Canarietako koordinakundea deiturikoa, eta Bilbon dira beren aurkakotasuna adierazteko. Artista donostiarraren egitasmoa publikoki eztabaida dadin eskatu zuten atzo. Etzi Txillidaren erakusketazabalduko da Guggenheim museoan, eta hori profitatu gura dute euren hitza entzun dadin.

Eduardo Txillidak *Tolerancia* izeneko espazio eskultoriko bat egin gura du, Fuerteventurako Tindaya mendiaren barnean. Egitasmo hori da, artista berak adierazi duenez, bere ibilbidearen gailurra. Polemika sortu da baina. Izan ere Tindaya mendiak esanahi berezia du Fuerteventura ir-lako biztanleentzat. Euren arbasoen leku sakratutzat hartzen dute. Horrek eragin du Tindayaren aldeko koordinakundea sortzea.

Eztabaida publikoaren eskaera

Fuerteventurakoak dira Lola Gonzalez eta Sofia Menendez. Atzo prentsaren aurrean aurkeztu ziren. Horiekin zen Jordi Bigas ekologista, kazetari eta Ingurugiroaren Dokumentazio Ondareko partaide ezaguna. Erakunde hori bi-tartekari lana egiten ari da Tindayaren aldekoen eta Eduardo Txillida eskultorea-ren artean. Aste honetan bertan gutun bat igorri dio Guggenheimeko zuzendariari, eztabaida publiko bat bultzatzea museoan bertan.



XOUSE SIMAL

Tindaya mendiaren aldeko koordinakundeko kideak, atzo, Bilbon.

Koordinakundeak atzo adierazi legez, mendi barrutik 125.000 metro koadro harri atera beharko lirakeke «artistaren ametsa bete dadin». Mendi hau «aintzinako gure arbasoentzat, majoreroentzat mendi sakratua zen, eta egun natur gune bezala babesturik dago», adierazi du Lola Gonzalezek. Mendiaren magalean, 200 grabatu inguru dau-dela azaldu du historiagile kanariarrak eta kultur ondare garrantzitsua direla gaineratu. «Milaka urteren ondolik, prozesu natural batek sortu zuen 400 metroko mendi hau, eta orain ezin dezakegu artista baten ametsengatik suntsitzen utzi», Gonzalezen iritziko.

Jordi Bigas ingurugiroaren aldeko ekintzaileak adibide zehatza jarri zigun euskaldunoi: «Imajinatzen al duzue Aralar edo Irati basoetan 125.000 metro koadroko zulo

bat egitea? Harri hori guztia ateratzeko milaka eta milaka kamioi beharko lirakeke, eta hori ezinezkoa da Fuerteventura bezalako irla txiki batean».

10.000 milioi pezetako lana

Txillidaren asmoa burutu ahal izateko, 10.000 milioi pezeta (400 milioi libera) beharko lirakekeela aurreikusi dute proiektuaren bultzatzaileek; horretarako 2 milioi bisitari jaso beharko lituzke kanariar irla honek urtero.

Tolerancia izeneko proiektua salatu dute Tindayaren aldekoek, eta aipatu proiektua «intolerantea, ilegala eta euskarri gutxikoa dela».

Proiektuari berari buruz ere, hainbat ahots kritiko azaldu da urteotan, kanariarrrek nabarmendu zutenenez, «Txillidak ezjakitun eta gan-

berro hutsak garela esan baidu ere, gogoratu behar diogu La Lagunako unibertsitateko Arkeologia katedradunek, Prehistoria katedradunek, Patrimonio Historikoaren arduradunek, arkeologo ezagunek, ingeniariak, pintoreak eta eskultoreak adierazi dutela beren desadostasuna».

Joan Mari Torreal-dai Kultur Etxea inauguratuko dute bihar Foruan

■ Taldeentzako bilgune eta proiektu berrien bultzatzaile izateko asmoarekin sortu dute

Erredakzioa / Bilbo

BIHAR eguerdian inauguratuko dute Foruan (Bizkaia) bertoko Kultur Etxea, Joan Mari Torreal-dai izenarekin (13:00etan). Izan ere, idazle, kazetari, kultur ekintzaile eta EGUNKARIA-ko Kontseilu Editorialeko zuzendari Joan Mari Torreal-dai omendu nahi izan du bere jaioterriko Udalak. Inaugurazio ekitaldian Joan Mari Torreal-dai bera izango da, eta baita Udaletxeko, Eusko Jaurlaritzako eta Bizkaiko Foru Aldundiko ordezkariak ere.

Areto multifuntzionala eta herriko taldeentzako esparru berezi bat izango du kultur etxe berriak. Haur eta gaztetxoek ere beren aretoa izango dute, eta liburutegia da kultur etxearen laugarren gunea. Joan Mari Torreal-dairen lanak bilduko dituen txokoa ere izango da kultur etxe berriko liburutegian bertan.